

NAMIBIA SENIOR SECONDARY CERTIFICATE

FIRST LANGUAGE RUMANYO ORDINARY LEVEL

4109/3

PAPER 3 Literature

2 hours

Marks 60

2018

Additional Material: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **three** questions, **one** from Section A **Poetry**, **one** from Section B **Prose** and **one** from Section C **Drama**. Of the **three** answers, **one** must be an essay.
- Pay attention to spelling, punctuation and sentence structure.
- The number of marks is given in brackets [] at the end of each question or part question.

MARONDORO NAMAPUKURURO KUMUHAMENI MUMAKONAKONO

- Tjanga malimbururo ghoye Mumbapira yaKulimbwilira oyo vana tapa.
- Tjanga Nomora yaLivango, Nomora yaMuhameni mumakonakono naLidina paMbapira yaKulimbwilira.
- Tjanga nashitjangito shashinaliwiru nampiri shashitipu.
- Wa sha rughanita shidongonito shamema-mema.
- Limburura mapuro **matatu**, **limwe** mulipongonyono A **Mutango**, **limwe** mulipongonyono B **Porosa**, **limwe** C **Shidanaghuka**. Mogho malimbururo **matatu**, **limwe** po li kare lya ntjangwatimwitira (lyalire).
- Pakera mbiri unene lishantjo, viyivitovaruro nalitungontanto.
- Vitwa vya pwa kutura mutuhaki [] kughuhura wa kehe lipuro mpiri ruha rwalipuro.

This document consists of **9** printed pages and **3** blank pages.



Republic of Namibia

MINISTRY OF EDUCATION, ARTS AND CULTURE

LIPONGONYONO A: MUTANGO

Limburura mo lipuro **limwe** tupu muruha runo.

1 Mbeli: Dimutango daRugciriku

Varura mutango ghuno makura u limburure mapuro ogho ghana ka kwamo ko.

Kavhongo

Wa mu yiva ve Kavhongo?
Vashe ne meshi Mahongo
ano vawina Kahongo
vanyakulye ne Kashongo.

Kumukenga muwa koye
kumumona shi wakoye
nani ngoli nkore yoye;
kuvhongora tupu doye.

Dendi kudifuka ntjako
kuditinda namatako.
Kudidiva mumahako
a horeke murupako.

Kukenga yira shipiri
nani mukotoki shiri
a kara nakamuliri
a horeka nkanciri.

Hewa, mu nomene ngoli
wa sha ku konga uholi
ndi kudana munaboli
nampiri kayoliyoli.

Ove ana kushengera
ove ana kukengera
ano po ngau ka pengera
yona ve nga ka yengwera.

(K. P. S. Mberema)

- (a) Weni omo ana kunegheda mutangi vidimbwilito vya mulingilingi/Kavhongo mumutango uno? Wana maghano mumutango ghakuvatere kumalimbururo ghoye. [4]
- (b) Kutwara ngoli mumutango uno, mutangi kuna kakurenkita u kaghayare udito wangandi ndi kuna kukupa lifano lyamuntu wangandi? Nkondopeka lilimbururo lyoye omo u karughanita maghano ghamumutango. [4]
- (c) Weni ndiko yomutango omo yina kuvatera litunturo lyamaghano ghamutangi mumutango uno? rughanita maghano ghomutango ghakuvatere kumalimbururo ghoye. [4]
- (d) Weni omo a rughanita mutangi liraka mukutuntura likuyuvo lyendi kuhamena Kavhongo mumutango uno? [4]
- (e) Fwaturura ntanto dino dina tundo mumutango uno.
- (i) Dendi kudi fuka ntjako. [2]
- (ii) Wa sha kukonga uholi. [2]
- [20]

NDI

2 Shiyo: Dimutango daRumanyo

Varura mutango ogho makura u kalimburure mapuro ogho ghana ka kwamo ko.

Livero

Ame livero kundere ko ovyo vya mpuko.
 Vininke navintje ovyo vya karo
 mundjugho mwande vya pitira.
 Vi kare vyamwi ndi vyamatiku
 ani mpure tupu ni ku tonyene ko.

Ame kwa kara nashirughana shashinene
 kapishi kupitita tupu vininke pantja ko,
 nane ngoli umwe wa petu kuvhura a vhurame
 virughana vyande

Ame, ame, mukungi wavininke navintje
 vyamundjugho.
 Vingi unene ovyo na kunganga.
 Ano nange ni vi twenyaure
 hawe ndi kulikatoka.
 Ngoli ame kuna kara tupu nalihuguvaro 'shi
 ovyo na kughamba, nove mpo wa kalire.

Ame ni munongo unene,
 ndi ame na shumango,
 hawe ndi mwa veva nu.
 Ovyo va shivananga vaunyande,
 ame ure na vi yuvhiranga.

Ame kwa kara navaholi vande vaviri,
 Vavo mbo va likumba natjapi.
 Ukwavo ghuno yira ngoghu wa yuvha
 wavaMukupi naKativa,
 Nda yira nkogha yetu yimwe.

Ame na turumuka yira momo wa mona ndjwi.
 Ashi evi na mona ndi mbyo wa mona,
 ove ndi vamweya va ngena kare makuma
 ano mpanguro ndi mbyo virughana.

(H. S. Kunyanda)

- (a) Tjanga omo u kafwaturura kuhamena maghano ghakukushuva-shuva ghamutangi omo a tuntura mulyo walivero. Wana maghano ghakuvatere mushitjangwa shoye.

Mwara nkango **125 – 150**.

[10]

- (b) Timwitira omo a rughanita mutangi liraka lyendi oyo lina kakurenkito u kakare nalikuyuvo kuhamena livero mumutango uno. Rughanita maghano ghamumutango ghakuvatere mushitjangwa shoye.

Mwara nkango **125 – 150**.

[10]

[20]

LIPONGONYONO B: POROSA

Limburura mo lipuro **limwe** tupu muruha runo.

3 Sha rondo mpadi: H N Diaz

Pakumana marughambo mpo va tangire kufutira mbira yaLikoromoka okuno vavo kuna kuyimba:

“Yenda po nawa, lipenda lyetu!
Yenda po nawa, lipenda lyetu!
Yenda po nawa, lipenda lyetu!
Kuna kukulira, atwe Vamasai!
Kuna kukulira, atwe Vamasai!
Kuna kukulira, atwe Vamasai!”

Ntani ngoli va twikilire kudifutira mbira dinya kukwamita ko yira momo va vi tura-tulire mo vimpu. “Weno vantu vakukukarera yendenu mu ka yimanene panya ano vahompa namatimbi shuwenenu ngoli mu ya tikauke mbira dino kutwara mumpo detu ashi ndi vaunyetu vano tuna tura mumbira dinya ngava pwiyumuke tupu mumpora ano kapishi monyo davo ngadi renda-rende muno mushirongo shetu nakuhepeka vantu vapeke. Kehe uno pakashi kavu ogho a karo nampepo dadidona, ndi mpepo dinya di ghurumuke kumukuro di ka kuminite di ka pupe di yende.” A ghamba Presidenta washirongo shaKenya ano vahompa vaVamasai namatimbi ghaVamasai ava shuwena ko kumbira dinya va tikauke kutwara mumpo yavo. “Vinke nka vahewa, navintje vina pu ngoli.”

- (a) Tjanga ko vinka **vine** omo a kenitira mutjangi vavaruli ntundiliro yandjorongani mukatji kaliro lyanturaumbo Kisimi mundjira dakukushuva-shuva mumbapira yino. Wana maghano mumbapira ghakuvatere kumalimbururo ghoye. [4]
- (b) Weni omo lina kara likuyuvho lyoye kuhamena omo a negheda mutjangi rughambito nankalito yaKikuyu mumbapira yino? Wana maghano mumbapira ghakuvatere kumalimbururo ghoye. [4]
- (c) Weni omo a vhura kutunga nakutuntura mutjangi rupe rwampepo dautjirwe naVighayarera muvavaruli mumbapira yino? Wana maghano mumbapira ghakuvatere kumalimbururo ghoye. [4]
- (d) Udoni munke ogho una kughayara kuhamena shitambo osho ana kara nasho mutjangi kuvavaruli kulirughanito lyendi nkango odo mumbapira yino:
- (i) Lishora [2]
- (ii) Kavaramato [2]
- (e) Weni omo ana kutuntura mutjangi nkalito yamudani uno Kikuyu kuruku rwakumu verura muuyendi Likoromoka mumbapira yino? Wana maghano mumbapira ghakuvatere mumalimbururo ghoye. [4]

[20]**NDI**

4 Mfudu Urodi: R S Shiremo

Fwaturura maghano ghamutjangi omo ghana kutetukita vavaruli kuhamena viyidayida vyaBibisi namukamali wendi omo vyakatjindjire nkalito yamumandi ghavaShakarungu naShamate mumbapira yino. Wana maghano mumbapira ghakuvatere kushitjangwa shoye.

Mwara nkango **250 – 300**.

[20]

LIPONGONYONO C: SHIDANAUKA

Limburura mo lipuro **limwe** tupu muruha runo.

5 Shatoka: H N Diaz

- Vishoni:** Anwe kuna shana kuya tu komba pantjetu pano paShiyana? Ewa, ngani kenga ntjene lighano lyenu ngali rughana. Navimwe shi mu ndundanena. Name shi nakuvhura shi kudjonaure vatekuru vande.
- Ruhepo:** Tamweyi, weni omo ni na mu tantere. Ame na va yiva ngudu-ngudu vanane.
- Livambankuru:** Kupitakana omo na va yiva ame?
- Ruhepo:** Kapishi mo na shana kughamba tamweyi.
- Livambankuru:** shimpumba shande vantu kwa ghambanga ashi mushima waunyoye shikoverero. Kenga ovyo vina karo mumantjo ghavanyoko. Konkera po mundiro u twere ngudu u kenge mumantjo ghavanyoko.
- Vishoni:** Mbyo sha ngoli va renkanga ashi Vishoni kwa shana kukudjokotita namukurwendi vino. Ovyo a mona mo mwene mumantjo ghande ne nke? Urodi wa karo mo ndi?
- Livambankuru:** A mone mo a vi nongonone ashi mushima wa unyoye shikoverero. Nkango dimwe kwa kara yira ndjegho vana kukwita-kwita ushi pangevo.
- Vishoni:** Urodi una shana kuntwenya ndi?
- Livambankuru:** Hawe, kapi na kundama ko kovyo. Ame ulingilingi tupu ngo na tamba.
- Vishoni:** Urodi una shana kuntwenya ndi?

- (a) Vinke vina kakuteturo kuhamena omo ana kunegheda mutjangi virughana vya Livambankuru kuvatekuru vendi mushidanauka shino? Wana maghano mumbapira ghakuvatere kumalimburo ghoye. [4]
- (b) Weni lina kara likuyuvho lyoye kuvishorokwa ovyo vyashorokiliro Ruhepo muliyuva linya lyampanguro mushidauka shino? Nkondopeka lilimburo lyoye omo u rughanita maghano ghamumbapira. [4]
- (c) Viyitita po munke ovyo una kughayara omo ana kuvi tuntura mutjangi kuvavaruli mukurughanita vishewe ovyo vina kukwamo ko.
- (i) “Ntekuru da vhura mona.” [2]
- (ii) “Shatoka shoye sha reremo shaunyoye.” [2]
- (d) Weni omo ana karenkita mutjangi vavaruli mukukafera nkeda Limunga naruhepo kovyo va kombanitire vana vavo mumbapira yino? Wana maghano mumbapira ghakuvatere kumalimburo ghoye. [4]
- (e) Vininke munke ovyo una kumona ndi kudimbura omo ana kukanganga mutjangi matokatoka mushidanauka shino? [4]
- [20]

NDI

6 Nkandaurama: S K Mbambo

Timwitira ashi weni omo ana kutapa mutjangi mbudi yendi kuvavaruli kuhamena virughana vyalipangero lyaukoloni lyaAfrika yaUcuma omo lyaya tjindjire nkalito yavadani vakukushu-shuva mushidana shino. Wana maghano mumbapira ghakuvatere mushitjangwa shoye.

Mwara nkango **250 – 300**.

[20]

BLANK PAGE

BLANK PAGE

BLANK PAGE